

Broj: 09-11-6-8-8849-12/22

Datum: 16.12.2022. godine

Na osnovu članka 70. st. (1) i (3) Zakona o javnim nabavkama („Službeni glasnik BiH“, br. 39/14 i 59/22), a na prijedlog Komisije za javne nabavke, imenovane Rješenjem, broj: 03-04-3-2309/22 od 28.03.2022. godine, federalna ministrica financija/finansija **d o n o s i**

ODLUKU

o izboru najpovoljnijeg ponuđača za javnu nabavku radova – izvođenje građevinsko-zanatskih radova-unutrašnji radovi prostorija Federalnog ministarstva financija/finansija

I

U cilju odabira najpovoljnijeg ponuđača, nakon provedenog postupka javne nabavke radova – izvođenje građevinsko-zanatskih radova-unutrašnji radovi prostorija Federalnog ministarstva financija/finansija, evidencijski broj nabavke: 09-11-6-8-8849-1/22, broj Obavještenja o nabavci sa portala javnih nabavki: 810-7-3-39-3-25/22 od 22.11.2022. godine, kao najpovoljnija ponuda ocjenjena je ponuda ponuđača: **NEIMAR d.o.o. Sarajevo, s ukupnom cijenom ponude, nakon održane e-aukcije, u iznosu 55.400,00 KM bez PDV-a.**

II

Ponuda ponuđača iz točke I ove odluke ocijenjena je prihvatljivom, jer ispunjava sve uvjete postavljene Tenderskom dokumentacijom, a u skladu sa kriterijem za dodjelu ugovora, ponuđač je, nakon održane e-aukcije, ponudio najnižu cijenu.

III

Za realizaciju ove odluke zadužuje se Sektor za ekonomske, finansijske i zajedničke poslove ovog Ministarstva.

IV

Odluka stupa na snagu danom donošenja i objavit će se na web stranici Federalnog ministarstva financija/finansija, u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

Obrazloženje

Postupak nabavke pokrenut je Odlukom o pokretanju postupka, broj: 09-11-6-8-8849/22 od 17.11.2022. godine. Javna nabavka provedena je putem konkurentskog zahtjeva za dostavu ponuda. Ukupna procijenjena vrijednost javne nabavke iznosila je 75.000,00 KM bez PDV-a i predviđena je Planom javnih nabavki za 2022. godinu Ministarstva, dio III Radovi, pod rednim brojem 2. – Izvođenje građevinsko-zanatskih radova-unutrašnji radovi. Obavijest o nabavci, broj: 810-7-3-39-3-25/22 poslana je na objavu 22.11.2022. godine, te je zajedno sa Tenderskom dokumentacijom, istog dana objavljena na portalu javnih nabavki.

Tendersku dokumentaciju preuzela su 24 privredna subjekta, a 7 ponuđača dostavilo je ponude u predmetnom postupku nabavke. Sve ponude su dostavljene blagovremeno. Ponude su dostavili sljedeći ponuđači: PRAG d.o.o. Sarajevo, ZZ GROS – COMP Hadžići, TENNECO ING d.o.o. Kiseljak, KOLINVEST d.o.o. Sarajevo, NEIMAR d.o.o. Sarajevo, GALBOLS d.o.o. Sarajevo i COLOREX d.o.o. Mostar. Komisija za javne nabavke, imenovana Rješenjem, broj: 03-04-3-2309/22 od 28.03.2022. godine, izvršila je pregled i evaluaciju pristiglih ponuda, te konstatirala da su ponude ponuđača: ZZ GROS – COMP Hadžići, TENNECO ING d.o.o. Kiseljak, KOLINVEST d.o.o. Sarajevo, NEIMAR d.o.o. Sarajevo, GALBOLS d.o.o. Sarajevo i COLOREX d.o.o. Mostar prihvatljive, a ponuda ponuđača PRAG d.o.o. Sarajevo neprihvatljiva.

U Tenderskoj dokumentaciji u poglavlju V OSTALE ODREDBE, tačka 23. Nacrta ugovora ili osnovni elementi ugovora, propisano je „...da su ponuđači dužni uz ponudu dostaviti Nacrt ugovora u koji su unijeli podatke iz svoje ponude...“ Komisija je prilikom pregleda i ocjene Ponude ponuđača PRAG d.o.o. Sarajevo, sa registriranim sjedištem u Sarajevu, ID broj: 4201131620004 konstatirala da u članu 2. Nacrta ugovora – Aneks 9 nisu uneseni podaci iz Ponude.

Za ovaj postupak, Ugovorni organ je predvidio provođenje e-aukcije, koja je uspješno okončana 15.12.2022. godine u 11:26 sati.

Nakon izvršenog pregleda i evaluacije pristiglih ponuda, Komisija je dostavila federalnoj ministrici financija/finansija Zapisnik o pregledu i ocjeni ponuda, broj: 09-11-6-8-8849-11/22 od 15.12.2022. godine zajedno sa Preporukom o izboru najpovoljnijeg ponuđača Neimar d.o.o. Sarajevo, s registriranim sjedištem u Sarajevu, ID broj: 4200519140008

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, te ocjenu prispjelih ponuda, shodno postavljenim uvjetima iz Tenderske dokumentacije.

U postupku ocjene provedenog postupka, federalna ministrica nije našla razloge, nepravilnost niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Izabrani ponuđač dostavio je prihvatljivu ponudu u skladu sa uvjetima postavljenim u Tenderskoj dokumentaciji, a u skladu sa kriterijem za dodjelu ugovora, ponuđač je ponudio najnižu cijenu nakon održane e-aukcije.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke, svaki ponuđač koji je učestvovao u postupku nabavke, može izjaviti žalbu Uredu za razmatranje žalbi putem Ugovornog organa - Federalnog ministarstva financija/finansija, u pisanoj formi direktno, elektronskim putem ili preporučenom poštanskom pošiljkom, u roku od 5 (pet) dana od dana prijema ove odluke. Žalba se podnosi u najmanje 3 (tri) primjerka.



Dostaviti:

- 1. Svim ponuđačima*
- 2. U dokumentaciju Komisije*
- 3. Sektoru za ekonomske, finansijske i zajedničke poslove*
- 4. a/a*